



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
Fax: 981 857251

### POS+ADICIONAL 2019

CONCELLO DE	CARNOTA
NOME E CARGO ASINANTE	José Carlos Leis Caruncho Arquitecto dos Servizos Técnicos Municipais
DENOMINACIÓN DO INVESTIMENTO	Mellora do viario do Carracedo a Cornido
ORZAMENTO DO INVESTIMENTO	123.489,01

#### AUTORIZACIÓNS:

Sobre esta actuación consta unha resolución do Servizo Provincial da Axencia Galega de Infraestruturas de data 20/09/2019 outorgando a autorización, dentro das zonas de dominio público e de protección da estrada AC-550.

Analizado o informe sectorial indicado, o cal se achega, obsérvase que non inflúe dende o punto de vista técnico, no proxecto de obra presentado, polo que entendo que non é necesario variar o contido deste.

DOCUMENTO CON SINATURA ELECTRÓNICA



CONCELLO DE CARNOTA  
PRAZA DE SAN GREGORIO, 19  
15293 CARNOTA , A CORUÑA

EXPEDIENTE Nº: **IF205D 2019/000080-1**

SOLICITANTE: **CONCELLO DE CARNOTA**  
DOMICILIO PARA NOTIFICACIONES: **PRAZA DE SAN GREGORIO, 19, CARNOTA, A CORUÑA**

OBRAS OU ACTUACION PARA AS QUE SE SOLICITA AUTORIZACION:  
**OBRAS DE CONSERVACIÓN E REHABILITACIÓN DE VIARIO LOCAL CON ACCESO A ESTRADA AUTONÓMICA.**  
SITUACION RESPECTO A ESTRADA:  
Concello: **CARNOTA**  
Estrada: **AC-550 - CEE - RIBEIRA**  
Punto Quilométrico: **20+150**  
Marxe, en sentido do avance de Quilometración: **Esquerda**

#### ANTECEDENTES

1. O 13/08/2019, recibíuse no edificio administrativo da Xunta de Galicia na Coruña un escrito do Concello no que solicita autorización para as obras recollidas no proxecto denominado "*Mellora do viario do Carracedo a Cornido*". Achega documentación técnica
2. O 11/09/2019, o equipo de vixiantes de explotación deste Servizo emitiu un informe sobre a solicitude presentada.
3. O 18/09/2019, o enxeñeiro facultativo deste Servizo emitiu informe sobre a solicitude presentada.

#### NORMATIVA APLICABLE

1. Lei 8/2013, do 28 de xuño, de estradas de Galicia, modificada pola Lei 6/2015, do 7 de agosto (DOG 12/07/2013 / DOG 13/08/2015).
2. Decreto 66/2016, do 26 de maio, polo que se aproba o Regulamento xeral de estradas de Galicia (DOGA 20/06/2016).
3. Lei 39/2015, do 1 de outubro, do procedemento administrativo común das Administracións Públicas (BOE 02/10/2015).

#### CONSIDERACIÓNS LEGAIS

1. De acordo co artigo 47.1 da Lei 8/2013, "*A execución de obras, instalacións ou a realización de calquera outra actividade na zona de dominio público e de protección (servidume e afección) dunha estrada, está suxeita ó deber de obter a correspondente autorización previa da Administración titular da mesma.*"
2. E no punto 3 da mesma engade: "*Nas autorizacións outorgadas se impoñerán as condicións que en cada caso se consideren oportunas para evitar danos e prexuízos á estrada, as zonas de protección, aos seus elementos funcionais, á seguridade da circulación viaria, ou a súa adecuada explotación.*"





3. Segundo os artigos 43.1.f) da mesma Lei, *“No dominio público viario e nas súas zonas de protección, serán autorizables as actuacións necesarias para que as administracións públicas poidan exercer as súas competencias cando pola súa funcionalidade non poidan ter outra colocación e non prexudiquen a integridade da estrada, a seguridade viaria ou a súa adecuada explotación.*
4. O obxecto da solicitude pode cumprir con a lexislación sectorial de estradas sempre que acade as condicións particulares que se indican a continuación.

De acordo có indicado, **RESOLVO outorgar a presente autorización ao concello de CARNOTA, dentro das zonas de dominio público e de protección da estrada AC-550, a execución das obras de: “Mellora do viario do Carracedo a Cornido”.** De acordo con a documentación presentada e **con as condicións que se enumeran a continuación.**

Esta autorización **carecerá de validez** se antes de comezar as obras **a empresa adjudicataria** das mesmas non presenta perante este Servizo de Infraestruturas o xustificante de ter depositado un aval de **seiscentos euros (600 €)**, que se solicitan. Unha vez executadas as obras, e comprobada a correcta execución das mesmas por este Servizo, poderá procederse a súa devolución.

**Antes do inicio das obras**, deberase comunicar aos vixiantes deste Servizo o seu inicio, cunha antelación mínima dunha semana, así coma calquera incidencia que se puidera producir durante a súa execución. (Tfno.: 628 71 49 36)

#### CONDICIÓN PARTICULARES

1. En ningún caso a obra pode afectar á plataformas da estradas autonómica (zona das estradas formada pola calzada e beiravía). **A xunta entre o novo aglomerado do viario local e o da plataforma da estrada autonómica, no seu caso, se executará mediante corte con disco.** Coidando especialmente na súa execución a continuidade da rasante.
2. Non se interferirá a drenaxe da estrada autonómica e **se realizarán as actuacións necesarias para impedir a chegada de augas de escorrega dende o viario local á calzada da AC-429.** Debendo dirixilas, no seu caso, aos elementos de drenaxe superficial da mesma ou do propio viario local. Para o que se disporá da solución mais adecuada. Excepcionalmente imbornais ou rexas corridas.
3. **As sinalizacións, vertical e horizontal**, nas zonas de conexión con a estrada autonómica deberán realizarse de acordo con a norma **8.1-IC e 8.2-IC.** No caso de **que estea caducada, se substituirá a sinal de detención obrigatoria R-2. E se pintará a correspondente marca horizontal transversal continua de parada.**
4. Durante o tempo no que se executen as obras, deberanse tomar as precaucións necesarias para garantir a seguridade no tramo afectado, **colocando a sinalización e o balizamento regulamentario segundo a Instrución 8.3-IC**, o Código de Circulación, o Manual de exemplos de sinalización de obras fixas do Ministerio de Fomento e outras disposicións vixentes.

Sendo o petionario o responsable dos accidentes a que puidera dar lugar a insuficiente sinalización ou o mal estado de conservación ou colocación desta, debendo retirala tan pronto finalicen as obras. No caso que se detecte que a sinalización non é suficiente para garantir a seguridade viaria, procederase ó seu reforzo seguindo as instrucións dadas polo persoal deste Servizo.

5. As obras deberán ser executadas **no prazo máximo de dezoito (18) meses**, que se contarán desde o día seguinte á notificación desta resolución.
6. **Comunicación da finalización das obras.** Unha vez rematadas as obras, deberase comunicar a este Servizo a súa finalización, co obxecto de comprobar as mesmas e proceder á **devolución do aval, no seu caso.**





7. O solicitante deberá manter, en todo momento, a estrada limpa e en boas condicións de circulación, incluso despois de rematadas as obras; non poderán verse á calzada, beiravías, foxos, desmontes ou terrapléns da estrada as augas ou produtos resultantes da construción que se autoriza. Tampouco se poderán almacenar ningunha clase de materiais nos terreos comprendidos na zona de dominio público da estrada.
8. Non poderán instalarse elementos que poidan ocasionar cegamento, posible confusión con sinais de circulación ou distracción ós usuarios da estrada, vistos desde calquera punto da súa plataforma.

### CONDICIÓN XERAIS

1. A autorización outórgase a reserva das demais licenzas e autorizacións necesarias (en especial, a correspondente á Xefatura Provincial de Tráfico), sen prexuízo de terceiros e deixando a salvo os dereitos preexistentes sobre os terreos ou bens. Non suporán, en ningún caso, a cesión do dominio público, nin a asunción pola administración titular de ningunha responsabilidade respecto da persoa titular da autorización ou de terceiros.

A Administración titular da estrada poderá, en calquera momento, modificar ou suspender temporal ou definitivamente a autorización cando a actuación produza danos no dominio público viario, por incumprimento das condicións da autorización, por poñer en risco a seguridade viaria ou cando alteren os supostos determinantes do seu outorgamento.

2. Esta autorización entenderase outorgada a precario na parte que afecte á zona de dominio público.

As autorizacións outorgadas para a realización de obras, instalacións ou actividades na zona de dominio público poderán ser revogadas unilateralmente polo órgano que as outorgou en calquera momento por razóns de interese público, sen xerar dereito a indemnización, cando sexa necesario por motivo de calquera obra que vaia realizar na estrada a administración titular desta, e quedará obrigada a persoa solicitante a retirar pola súa conta os elementos instalados.

As autorizacións outorgadas para a realización de obras, instalacións ou actividades na zona de dominio público exclúen o aboamento á persoa interesada de calquera indemnización por razón dos danos e perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola administración titular desta, incluídas as de conservación. Nese caso, a reposición das obras e elementos amparados pola autorización será por conta da persoa interesada.

3. Se para a execución da obra ou uso desta fose necesario construír un acceso á estrada, deberá solicitarse previamente a preceptiva autorización deste Servizo.
4. As obras executaranse conforme á documentación presentada para a obtención da autorización, no seu caso, e de acordo coas condicións desta.
5. Non se poderán iniciar as obras sen que o persoal deste Servizo sexa coñecedor do Inicio das actuacións. O interesado deberá comunicar, cunha antelación mínima de dez (10) días, a data que prevea para o inicio. Facendo referencia ao nº de expediente da autorización, así como calquera incidencia que se produza durante a execución da obra terase a obriga de ser comunicada. (Nº FAX 981 184888)
6. As obras executaranse baixo a inspección e vixilancia do persoal integrado neste Servizo. As obras executaranse cumprindo todas as condicións de garantía e seguridade polas disposicións vixentes e, ademais destas, o petionario aceptará as especiais que se poidan impoñer para a seguridade da estrada e do tráfico.
7. A administración competente poderá dispoñer, sen máis trámites, en resolución motivada, a inmediata paralización das obras e a suspensión dos usos non autorizados ou que non se axusten ás condicións establecidas nas correspondentes autorizacións outorgadas por ela.





8. As obras efectuaranse sen interromper nin dificultar o tránsito polas estradas e sen ocupar ningún dos seus elementos (calzada, beiravías, gabias...) con materiais, medios auxiliares, maquinaria ou vehículos, salvo nas circunstancias e coas prescricións que expresamente se indiquen nas condicións particulares.
9. No caso de que a execución das obras autorizadas impliquen alteración ou cortes de tráfico, deberase obter previamente a preceptiva autorización da Xefatura Provincial de Tráfico (ou do Concello) e deberá comunicalo a este Servizo antes do seu inicio, todo elo de acordo co artigo 37 do Regulamento xeral de Circulación (RD 1428/2013) que xunto co artigo 39, regulan a ordenación especial de tráfico por razóns de seguridade ou fluidez da circulación e a súa limitación.
10. Durante a execución das obras adoptaranse as precaucións oportunas para que, en ningún caso, se produza arrastre de terras ou de calquera outros materiais á plataforma ou gabias da estrada, ben adheridos ás rodas dos vehículos ou maquinaria que participe nas obras o por calquera outra causa.
11. Aparte da que poida ser autorizada nas condicións particulares, durante a execución das obras non poderá establecerse ningunha outra sinalización que afecte á circulación pola estrada sen a expresa autorización escrita deste Servizo.
12. O persoal deste Servizo terá coñecemento da Terminación das obras, o interesado comunicará, cunha antelación mínima de dez (10) días, a data que prevea para a dita operación. A comunicación será vía fax ao Servizo provincial aló menos con 48 horas de antelación do remate dos traballos autorizados, facendo referencia ao nº de expediente da autorización (Nº FAX 981 184 888)-  
civ.coruna.autorizacions@xunta.gal
13. O titular da autorización será responsable de todos os danos e prexuízos ocasionados á estrada, á súa zona de influencia, a terceiros ou na súa propia actividade con motivo da realización da obra, actuación ou instalación autorizada, quedando obrigado a repoñer, ó seu cargo, os elementos da estrada que resulten afectados pola execución das obras, restituíndoos ás súas anteriores condicións de seguridade, funcionalidade e aspecto.
14. A autorización producirá efectos mentres permaneza o obxecto determinante do seu outorgamento e será transmisíble previa notificación do cambio de titularidade a este Servizo.  
  
No caso das autorizacións para a realización de obras, instalacións ou actividades na zona de dominio público, o prazo máximo da autorización será de dez anos, e poderán concederse, logo da solicitude da persoa interesada, ata dúas prórrogas por períodos de igual duración. Antes de que transcorra o prazo da autorización, incluídas as prórrogas, se é o caso, a persoa titular poderá solicitar unha nova autorización.
15. O titular da autorización será responsable das operacións de conservación e mantemento requiridas pola obra, actuación ou instalación obxecto de autorización e que sexan necesarias para garantir a salubridade, accesibilidade, seguridade e funcionalidade menoscabadas como consecuencia do uso destas.
16. O incumprimento de calquera das condicións impostas nesta autorización poderá ser considerada como infracción leve, grave ou moi grave segundo o artigo 61 da Lei 8/2013 e dará lugar á tramitación do expediente coa sanción que proceda.

Contra esta resolución, que non pon fin a vía administrativa, poderá interpoñer recurso de alzada perante o Director da Axencia Galega de Infraestruturas no prazo de un mes, contado dende o día seguinte ó da notificación desta autorización.

Mediante este documento notifícaselle esta resolución segundo o esixido no artigo 21,1 da Lei 39/2015.

A Coruña, asinado electronicamente

O xefe do Servizo  
Felipe de la Vega Gándaras

